


ხაშურის მთაშვე



№4 (85)

31 იანვარი, სამშაბათი,

2017 წელი

ფონა-რიკოთის ქარის ელექტრო-სადგურები რეალობაა

ალტერნატიული და განახლებადი ენერჯის(მზის, ქარის და ა.შ) და შესაბამისი ტექნოლოგიების დანერგვა სულ უფრო მძლავრად იკიდებს ფეხს დღევანდელ მსოფლიოში. როგორც მეცნიერები ვარაუდობენ, ნავთობის მსოფლიო მარაგი 30-40 წლის შემდეგ ამოიწურება და ზემოაღნიშნული ტექნოლოგიების დანერგვა, უბრალოდ, სასიცოცხლოდ აუცილებელი ხდება. საქართველოს თავისი პირობების შესაბამისად და სხვა ბუნებრივი პირობებით აქვს სრული შესაძლებლობა, რომ ამ მხრივ ერთ-ერთ ლიდერად იქცეს არა მარტო რეგიონში, არამედ ევროპის მასშტაბითაც. ამ მხრივ დიდი



სამუშაოები ხორციელდება და ამის დასტურია ის ახალი პირობები, რომლებიც ბოლო ათი წლის განმავლობაში აშენდა ან აშენდება მიმდინარეობს მშენებლობები. ბუნებრივია, ჩვენი ქვეყანა არც განახლებადი ენერჯის ობიექტებს მშენებლობებს ტოვებს ყურადღების გარეშე და ეს პროცესი სულ უფრო მასშტაბურ ხასიათს იღებს. სულ ერთი წელია, რაც გორის ქარის ელექტროსადგური გადაეცა ექსპლოატაციაში და აი, უკვე მეორე მასშტაბური პროექტი იწყება. პროექტის განხორციელება მიმდინარე წლის მაისში დაიწყება ხაშურის და ხარაგაულის მუნიციპალიტეტების საზღვრებში. კონკრეტულად კი სოფელ ფონის მიმდებარედ. როგორც სპეციალისტები განმარტავენ, ამ ადგილას ე.წ. „საწარმოო ქარი“ წელიწადში 320-330 დღეა და ეს სრულ გარანტიას იძლევა, რომ ელექტროსადგური სტაბილურად იმუშავებს. ამ დღეებში, სურამში, პროექტის პრეზენტაცია გაიმართა. პრეზენტაციას, რომელიც სურამში გაიმართა, მოსახლეობასთან ერთად, ხაშურის მუნიციპალიტეტის ხელმძღვანელები და მაჟორიტარი დეპუტატები ესწრებოდნენ. მშენებლობას თურქული კომპანია „ანადოლუ ჯგუფის“ შვილობილი კომპანია „საქართველო-ურბან ენერჯი“ განახორციელებს. როგორც ამ კომპანიის დირექტორმა ნოდარ კუპატაძემ განაცხადა, ამჟამად ხელისუფლებასთან მოლაპარაკებები უკვე დამთავრებულია და დღეისათვის მხარეები მხოლოდ ელექტროენერჯის შესყიდვის დეტალებს აზუსტებენ. მისასაღებელია, რომ მშენებლობის პროცესში 200-მდე ადგილობრივი მუშახელი დასაქმდება. მისი დასრულების შემდეგ კი ელექტროსადგურის ოპერირებას 60 კაცი, მოემსახურება. ელექტროსადგურის საბოლოო სიმძლავრე 15 მეგავატი იქნება. ყველაფერ ამასთან ერთად ამ პროექტის განხორციელებას დადებითი მხარეებიც გააჩნია: შეიქმნება და მოწესრიგდება გზები და ინფრასტრუქტურა, ქვეყანაში 180 მილიონი აშშ დოლარის ოდენობის ივესტიცია შემოვა, ზამთარის თვეებში მოხდება ელექტროენერჯის იმპორტის ჩანაცვლება, ზაფხულის თვეებში კი გაიზრდება ექსპორტი საინტერესოა ერთი ფაქტიც: ფონა-რიკოთის ქარის ელექტროსადგური, ექსპლოატაციაში შესვლის შემდეგ, აღმოჩნდება ამ ტიპის ობიექტთა მსოფლიო ნუსხის იმ პირველ ხუთეულში, რომლებიც ქარის ენერჯის 45 პროცენტს გარდაქმნიან ელექტროენერჯიად(მსოფლიოში სშუალო მაჩვენებლები 30-35 პროცენტია)



ჩუმათელეთი-ხევის მონაკვეთზე 12 კმ. სიგრძის ავტომაგისტრალი აშენდება

ჩუმათელეთი-ხევის მონაკვეთი იქნება ავტომაგისტრალის შემადგენელი ნაწილი, რომელიც დაიწყება არსებული რიკოთის გვირაბის აღმოსავლეთ ნაწილში, კერძოდ, სოფელ ჩუმათელეთში და დასრულდება სოფელ ხევში. გაფორმდება ხელშეკრულება, რომლის მიხედვითაც მომზადდება ჩუმათელეთი-ხევის მონაკვეთის მშენებლობისთვის დეტალური საპროექტო დოკუმენტაცია, განსახლების სამოქმედო გეგმა და სამშენებლო სამუშაოების შესყიდვისათვის საჭირო სატენდერო დოკუმენტაცია, რაც, საბოლოო ჯამში, უზრუნველყოფს ჩუმათელეთი-ხევის მონაკვეთის მშენებლობის დროულად დასრულებას. პროექტის მოსამზადებლად გათვალისწინებული ხელშეკრულების ღირებულება შეადგენს 2 330 030 აშშ დოლარს და 2 440 426.29 ლარს. მომსახურების გაწევის ვადა შეადგენს მომსახურების დაწყებიდან 14 თვეს.



სასარგებლო ტრენინგი მოსწავლეებისთვის

ამ დღეებში, ხაშურის მაჟორიტარი დეპუტატის, სიმონ ნოზაძის მხარდაჭერით, ქ. ხაშურის №1 საჯარო სკოლაში ორგანიზაციების ა(ა)იპი „ინოვაციური განათლების ცენტრი IEC“, ა(ა)იპი „News Group“, ა(ა)იპი „სამოქალაქო ინიციატივა საზოგადოების ჯანმრთელობისათვის და ა(ა)იპი „საზოგადოებრივი აზრის“ ინიციატივით ხაშურისა და სურამის საჯარო სკოლების წარჩინებული მოსწავლეებისათვის ჩატარდა ტრენინგი CV-ის შედგენის, სამოტივაციო წერტილის წერის, საჯარო გამოსვლებისა და პირველადი სამედიცინო დახმარების გაწევის მიმართულებით. მსგავსი პროექტები ხელს უწყობს ახალგაზრდების წახალისებას, მათი მოტივაციის გაზრდას და სხვადასხვა სასარგებლო უნარ-ჩვევების ჩამოყალიბებას. ტრენინგის ბოლოს მოსწავლეებს სიტყვით მიმართა და მონაწილეობის დამადასტურებელი სერტიფიკატები გადასცა ხაშურის მაჟორიტარმა დეპუტატმა სიმონ ნოზაძემ, რომელმაც მადლობა გადაუხადა ტრენინგის ორგანიზატორებს, მათ წარმომადგენლებს. მონაწილეებს კი სამომავლოდ წარმატებები და კარიერული წინსვლა უსურვა.

ხაშურის მუნიციპალიტეტის გამგეობის ეკონომიკური განვითარების სამსახურის ანგარიში

ხაშურის მუნიციპალიტეტის გამგეობის ეკონომიკური განვითარების სამსახურის ანგარიში წარმოდგენილია სამსახურში შემავალი სტრუქტურული ერთეულების - განყოფილებების მიხედვით.

ხაშურის მუნიციპალიტეტის გამგეობის ეკონომიკური განვითარების სამსახურის ინფრასტრუქტურის განვითარებისა და კეთილმოწყობის განყოფილების მიერ 2016 საბიუჯეტო წელს გაწეული მუშაობის შესახებ

საანგარიშო პერიოდში, ხაშურის მუნიციპალიტეტის გამგეობის ეკონომიკური განვითარების სამსახურის ინფრასტრუქტურის განვითარებისა და კეთილმოწყობის განყოფილების მიერ მიზანმიმართული ღონისძიებები ხორციელდებოდა მუნიციპალიტეტის სოფლებში და ქალაქ ხაშურში, ინფრასტრუქტურული პრობლემების მოგვარების მიზნით.

წარმოდგენილ ანგარიშში ყურადღებაა გამახვილებული სამსახურის დებულებით განსაზღვრული უფლებამოსილებების განხორციელებისა და ყოველდღიური საქმიანობის ზოგიერთ მნიშვნელოვან ასპექტზე, რომელიც მოიცავს - ადგილობრივი მნიშვნელობის გზების მოვლა -მენახვის, მოსახლეობის კომუნალურ-საყოფაცხოვრებო და სატრანსპორტო მომსახურების გაუმჯობესების, მოსახლეობის სასმელი წყლით მომარაგების, სარწყავი და ღვარსადენი არხების გაწმენდის, გარე განათების მოწყობის, დასუფთავების და სხვა ინფრასტრუქტურული პრობლემების მოსაგვარებლად მიმართულ ღონისძიებებს, ასევე იმ სამომავლო ხედვებზე, თუ სად და როგორ ხედავს განყოფილება თავის როლს ხაშურის მუნიციპალიტეტის განვითარებაში.

როგორც ანალიზმა გვიჩვენა, როგორც სოფლებში, ისე ქალაქ ხაშურში პრობლემები თითქმის იდენტურია. საანგარიშო წლის პერიოდში „სოფლის მხარდაჭერის პროგრამის“ ფარგლებში მუნიციპალიტეტის 60 სოფელში 78 სხვადასხვა სახის ინფრასტრუქტურული პროექტი განხორციელდა, რისთვისაც 856 827 ლარი იქნა გამოყოფილი. სამუშაოებში ათობით სამშენებლო ორგანიზაცია და ინდემწარმე იყო ჩართული, გაფორმდა შესაბამისი ხელშეკრულებები. მნიშვნელოვანი ყურადღება ეთმობოდა სამუშაოებზე ადგილობრივი მოსახლეობის დასაქმებას.

სამომავლოდ პროგრამის წარმატება მნიშვნელოვნად იმაზე იქნება დამოკიდებული, რამდენად შეეძლებოდა სამუშაოების ორგანიზებულად წარმართვას, გასულ წლებში არსებული ხარვეზების გათვალისწინებას, მშენებლებთან ყოველდღიური, საქმიანი ურთიერთობების დამყარებას. სამსახური მოტივირებულია აქტიური მონაწილეობა მიიღოს და სისტემატურად აკონტროლებს მათი შესრულების მიმდინარეობას და ხარისხს, გამოვლენილ დარღვევებზე მოახდინოს ოპერატიული რეაგირება. ამ პროცესში სამსახურის როლი განსაკუთრებული და პასუხსაგებია. ინფორმაცია პროგრამის შესრულების მიმდინარეობის თაობაზე ყოველკვირეულად იგზავნება საქართველოს რეგიონული განვითარებისა და ინფრასტრუქტურის სამინისტროში და რწმუნებულის აპარატში. ვფიქრობთ, რომ განსახორციელებელ პროექტებში მოსახლეობის ფართო ჩართულობა, მშენებლებთან აქტიური თანამშრომლობა, მოთხოვნებზე და მოტივაცია მოგვცემს სასურველ შედეგს.

მნიშვნელოვანი სამუშაოები ხორციელდებოდა რეგიონებში განსახორციელებელი პროექტების ფონდიდან. საქართველოს მთავრობის 2016 წლის 4 თებერვლის №175 განკარგულებით ხაშურის მუნიციპალიტეტს „რეგიონებში განსახორციელებელი პროექტების ფონდიდან“ გამოეყო 3 723 323 ლარი (პროექტირების ჩათვლით) აღნიშნული თანხები გადანაწილდა 6 პროექტზე, როგორებიცაა:

1. ქ. ხაშურში თევდორე მღვდლის ქუჩაზე №6 საბავშვო ბაღის ნაწილის დემონტაჟი და ბაღის ახალი შენობა ნაგებობის მშენებლობა;
2. დაბა სურამში, მდინარე ბიჯნისულაზე, ნაპირსამაგრი კედლების მოწყობა;
3. დაბა სურამში, 9 აპრილის ქუჩის ნაწილობრივი მოასფალტება და კეთილმოწყობა;
4. ხაშურში, სპორტ-კომპლექსის მშენებლობა (გარდამავალი პროექტი) დასრულდება 2017წ;
5. ქ. ხაშურში, ჯორჯაძისა და აგარის ქუჩების მონაკვეთების მოასფალტება;
6. სოფელ ფლევიში სასმელი წყლის ჭაბურღილის მოწყობის სამუშაოები.

სამუშაოები განხორციელდა ასევე ადგილობრივი ბიუჯეტიდან გამოყოფილი სახსრებით, კერძოდ:

1. ნავაგშიდი მანქანის შესყიდვა;
2. ქვიშეთის საბავშვო ბაღი მშენებლობის სამუშაოები;
3. სოფელ ხცისსა და სოფელ ახალშენში წყლის ქსელის მოწყობა;
4. ქ. ხაშურში, ქიმერიძეების უბანში ხიდის მოწყობის სამუშაოები;
5. ქ. ხაშურში მდინარე სურამულას კალაპოტის წმენდის სამუშაოების შესყიდვა;
6. ქ. ხაშურში, აგარის ქუჩაზე საკანაკლიზაციო ქსელის მოწყობა;
7. ნაგვის კონტეინერების შესყიდვა;
8. კონტეინერების შესყიდვა-მონტაჟი (ამბულატორიის შესყიდვა);
9. ქ. ხაშურში, ხეთაგუროვის ქუჩაზე, №3 საბავშვო ბაღის რეაბილიტაციის სამუშაოები;
10. ქ. ხაშურში, მაისის ქუჩაზე, №5 საბავშვო ბაღის პირველი კორპუსის რეაბილიტაცია;
11. დაბა სურამის №9 საბავშვო ბაღის რეაბილიტაციის სამუშაოები;
12. სპორტული მოედნის მოწყობა (ღესვლიძის ქუჩაზე და შინდარის დასახლებაში);
13. დაბა სურამში, გურამიშვილის ქუჩის მოასფალტების სამუშაოები;
14. ქ. ხაშურში და დაბა სურამში ნაპირსამაგრი და ხიდების სარეაბილიტაციო სამუშაოები;
15. დაბა სურამის სამუსიკო სკოლის რეაბილიტაციის სამუშაოები;
16. ქ. ხაშურში ყაზბეგის ქუჩის მონაკვეთის კეთილმოწყობის სამუშაოები;
17. სოფელ ბრილში მინი სტადიონის მოწყობის სამუშაოები;
18. ხაშურში, ძნელაძის ქუჩაზე, მიწისქვეშა გადასასვლელის რეაბილიტაცია;
19. ქალაქ ხაშურში, შოლის ქუჩის წყალარინების მოწყობა;
20. ხაშურის კულტურის სახლის რეაბილიტაციის სამუშაოები;
21. ხაშურში, აღმინისტრაციული შენობისა და მიმდებარე მოედნის რეაბილიტაცია;
22. ქ. ხაშურში, რუსთაველის ქუჩაზე მდებარე ომში დაღუპულთა მემორიალის რეაბილიტაცია, სამშენებლო სამუშაოები;
23. ხაშურში, ყიფიანის ქუჩის ნაწილობრივი მოასფალტება;
24. აღმაშენებლის ქუჩაზე სკვერის მოწყობის სამუშაოები;

25. ქალაქ ხაშურში, რუსთაველის ქუჩა 38-ში მდებარე ა(ა)იპ საზოგადოებრივი ჯანდაცვის ცენტრის შენობის ნაწილობრივი რეაბილიტაცია;

26. ქალაქ ხაშურში, სამხედრო აღრიცხვისა და გაწვევის სამსახურის შენობის რეაბილიტაცია;

27. სოფელ ქვიშეთში, საბავშვო ბაღის სარემონტო სამუშაოები;

28. სურამის სადაბო პოლიკლინიკის შენობის რეაბილიტაცია;

უახლოეს დღეებში გაფორმდება ხელშეკრულება და დაიწყება სამუშაოები:

1. ქალაქ ხაშურში, ჯორჯაძის ქუჩაზე, №5 საჯარო სკოლის ფართობში საბავშვო ბაღის მოწყობის სამუშაოები.

ჯამში მუნიციპალიტეტი ადგილობრივი ბიუჯეტიდან ინფრასტრუქტურული პროექტების განხორციელებაში ხარჯავს დაახლოებით 2 000 000-ზე მეტ ლარს. რაც, გასული წლის მანქანებლებს აღემატება. არაერთი პროექტი მზადდება უკვე და ადრეული გაზაფხულიდან შესაძლებელია სამუშაოების დაწყება.

საანგარიშო პერიოდში, სამსახური, კანონმდებლობით მინიჭებული უფლებამოსილების ფარგლებში, ახორციელებდა სახელმძღვანელო ფუნქციებს თითოეულ მშენებარე ობიექტზე. მჭიდროდ ვთანამშრომლობთ მშენებლებთან, კონტრაქტორ კომპანიებთან, სამინისტროსა და სხვადასხვა უწყებების დაქვემდებარებაში შემავალ სამსახურებთან და ყველა იმ ორგანიზაციასთან, რომლებიც ამა თუ იმ ფორმით დაკავშირებული არიან და ახორციელებენ ინფრასტრუქტურულ პროექტებს ხაშურის მუნიციპალიტეტის ტერიტორიაზე. მაქსიმალურად ვცდილობთ, ხელი შევუწყოთ პროცესების ნორმალურად წარმართვასა და სამუშაოების დროს წარმოქმნილი პრობლემების ოპერატიულად აღმოფხვრას.

საანგარიშო პერიოდში სამსახურს განცხადებით მომართა არაერთმა მოქალაქემ სტიქიის შედეგად დაზიანებული საცხოვრებელი სახლების აღსადგენად ფულადი დახმარების ან სამშენებლო მასალებით გამოყოფის თაობაზე. ასეთ განცხადებათა რაოდენობა სულ უფო იზრდება. სამწუხაროდ, სამსახური მოკლებულია შესაძლებლობას გაატაროს ქმედითი ღონისძიებები ამ მიმართებით მოსახლეობის მოთხოვნების დასაკმაყოფილებლად. თუმცა, უნდა აღინიშნოს, რომ შპირ შემთხვევაში მოთხოვნები უსაფუძვლოა, საცხოვრებელ სახლებზე არსებული დაზიანებები, განსაკუთრებით სახურავებთან მიმართებაში, მათი სიძველითაა გამოწვეული და არა რაიმე სახის სტიქიური მოვლენით. სტიქიის შედეგად დაზარალებული მოქალაქეებთან და ზარალის დამდგენ კომისიასთან ერთად უნდა შევიმუშაოთ დამატებითი ღონისძიებები ამ მიმართებით შეფასების კონკრეტული კრიტერიუმების განსაზღვრისა და მოსახლეობის ინფორმირებულობისათვის.

აქტიურად ვთანამშრომლებთ მრავალსაცხოვრებელ ბინებში შექმნილ ბინისმესაკუთრეთა ამხანაგობებთან. მუნიციპალიტეტში სულ 38 ამხანაგობაა ამ ეტაპზე რეგისტრირებული. ადგილებზე გასვლით მოხდება მობინადრეთა ინფორმირება ბინისმესაკუთრეთა ამხანაგობების ჩამოყალიბების უპირატესობის, ამხანაგობის მიერ საერთო ქონებით სარგებლობის, მისი გამოყენებისა და განკარგვის, თანადაფინანსების პრინციპით საცხოვრებელ სახლებში არსებული პრობლემების მოგვარებასთან დაკავშირებულ საკითხებზე. ვფიქრობთ, რომ მომავალში უნდა გამოვიყენოთ ამ მიმართებით სხვა მუნიციპალიტეტების გამოცდილება და ბინისმესაკუთრეები აქტიურად ჩაერთონ თანადაფინანსების პრინციპით მათივე პრობლემების მოგვარებაში, ხოლო ადგილობრივი ბიუჯეტში გათვალისწინებული იქნას დაფინანსება ისეთი მიმართულებებით, როგორიცაა -საცხოვრებელი სახლების ეზოების, მისასვლელი გზების, სადარბაზოების შეკეთება და კეთილმოწყობა.

შემოსულია მოქალაქეთა 2500-მდე განცხადება და წერილი. დასმული საკითხები, უმეტესწილად, ინფრასტრუქტურული პრობლემების მოგვარებასთანაა დაკავშირებული. მათი უმეტესობა კომისიურადაა შესწავლილი და გაცემულია არგუმენტირებული პასუხი. დანარჩენები აღრიცხულია, შეძლებისდაგვარად იქნება გათვალისწინებული და შესაბამისი ზომები - მიღებული.

სამსახური მოტივირებულია და ყველაფერს გააკეთებს მასზე დაკისრებული ფუნქციონალური მოვალეობების შესასრულებლად, რითაც თავის მოკრძალებულ წვლილს შეიტანს მუნიციპალიტეტში არსებული ინფრასტრუქტურული პრობლემების მოგვარებისა და ამ მიმართებით ადგილობრივი თვითმმართველობის წინაშე მდგომი ამოცანების წარმატებით გადაწყვეტის საქმეში.

ორიოდე სიტყვით მოგახსენებთ, 2017 წელს განსახორციელებელ პროექტების შესახებ:

1. ხაშურში შუშის ქარხნის დასახლებაში №8 საბავშვო ბაღისთვის ახალი შენობა-ნაგებობის მშენებლობა (პროექტი მზადაა);
2. ხაშურში, იმერეთის ქუჩაზე, სპორტკომპლექსის მშენებლობის გაგრძელება;
3. ქ. ხაშურში, იმერეთის ქუჩაზე მშენებარე სპორტკომპლექსის მიმდებარე ტერიტორიაზე სპორტული ინფრასტრუქტურის მოწესრიგება და ტერიტორიის კეთილმოწყობა (მიმდინარეობს პროექტის მომზადება);
4. სოფელ ქვიშეთში, დიმიტრი ყიფიანის სახელმწიფო უნივერსიტეტის რეკონსტრუქცია-რეაბილიტაცია (პროექტი მზადაა);
5. სოფელ ოსიაურში (ქვემო ოსიაურში) გზის მოასფალტება;
6. სოფელ აღში გზის მოასფალტება;
7. სოფელ მცხეთიჯვარში ბეტონის გზის მოწყობა;
8. დაბა სურამში კიკვიძისა და ტალახაძის ქუჩების მონაკვეთების მოასფალტება.

ხაშურის მუნიციპალიტეტის მუნიციპალური ქონების აღრიცხვისა და მართვის განყოფილების მიერ 2016 წელს გაწეული სამუშაოს შესახებ

- ხაშურის მუნიციპალიტეტის გამგეობის ეკონომიკური განვითარების სამსახურის, მუნიციპალური ქონების აღრიცხვისა და მართვის განყოფილების მიერ გატარებული ღონისძიებებისა და პროცედურების შესაბამისად ხაშურის მუნიციპალიტეტს საკუთრებაში 2016 წლის იანვრიდან დღემდე გადმოგვეცა სახელმწიფო საკუთრებაში არსებული 12 -ობიექტი.

საქართველოს მთავრობის 2014 წლის 20 თებერვლის №189 დადგენილებით, კანონიერი მოსარგებლისათვის გადასაცემი არაპრივატიზებული საცხოვრებელი და არასაცხოვრებელი (იზოლირებული და არაიზოლირებული) ფართობის ადგილობრივი თვითმმართველობის აღმასრულებელი ორგანოების მიერ კანონიერი მოსარგებლებისათვის უსასყიდლოდ საკუთრებაში გადაცემის წესის შესაბამისად, 2016 წლის იანვრიდან დღემდე მომზადდა 13 პროექტი. აქედან 3 განცხადებაზე მომზადდა უარის ბრძანების პროექტი, 10 განცხადება დაკმაყოფილდა და გაიცა ბინის საკუთრების მოწმობა. დღესდღეობით პრობლემურად რჩება ხაშურში წმინდა ნინოს ქუჩა №70ა, №72ა, №74ა, №76ა-ში მცხოვრები მოსახლეობის მოთხოვნა ბინის პრივატიზებასთან დაკავშირებით.

მოქალაქეთა საცხოვრებელი ფართით დაკმაყოფილების მოთხოვნათა ელენ

(გაგრძელება. დასაწყისი იხ. „ხმ“ #3)

ნიკო ყიფიანი, ჩვენში, ერთმა პირველთაგანმა, მიჰყო ხელი სახალხო წიგნების გამოცემას. მან გამოსცა „არსენას ლექსი“, მეტეორისაგან თქმული სახალხო პოემა. ნ. ყიფიანი ცხოველ ინტერესს იჩენდა ქართული თეატრისადმიც. 70-იან წლებში მონაწილეობდა სცენისმოყვარეთა საექტაკლეებში თბილისსა და ქვიშხეთში. ნიკო ყიფიანს ეკუთვნის პირველი სტატია ფერეიდანელი ქართველების შესახებ. „ქართველების კოლონია სპარსეთში“. (დროება, 1872, №13) ავტორს გადმოცემული აქვს ფერეიდანელ ათამა ონიკაშვილთან საუბრის შინაარსი და ამ ფაქტს პატრიოტული პროპაგანდისთვის იყენებს. ფერეიდანელთა და აჭარელთა მაგალითი მას ქართველთა ეროვნული სიმტკიცისა და გამძლეობის დადასტურებად მიანია. ნიკო ყიფიანი მრავალმხრივ საზოგადოებრივ და ჟურნალისტურ მოღვაწეობას ეწეოდა, მაგრამ მოწოდებით, უწინარეს ყოვლისა, ლიტერატურის კრიტიკოსი იყო.

ის სიხარულით ხვდებოდა ხალხის ცხოვრების ამსახველ ნაწარმოებებს, სწორად აფასებდა და გზას უკაფავდა მათ.

ჯერ კიდევ 1872, შემდეგ 1883 წელს, ნიკო ყიფიანი ფართოდ გააშუქა ქართველ ქალთა ლიტერატურული მოღვაწეობა და სოციალური და ეროვნული ცხოვრების ღირსშესანიშნავ მოვლენად აღიარა ის.

ნ. ყიფიანი პუბლიცისტური წერილებით მხარში ამოუდგა „დროების“ და „კრებულის“ მესვეურებს, მაშინდელი ქართული საზოგადოებრივი აზრის ისეთ ავტორიტეტებს, როგორებიც იყვნენ: ი. ჭავჭავაძე, ა. წერეთელი, ნ. ნიკოლაძე, ს. მესხი. მისი წერილები გაუღვინებდა იყო მებრძოლი იდეურებით, იგი დაინტერესებულია საერთაშორისო ცხოვრების პრობლემებით, ხედავს, რომ ცხოვრებაში ათასი კითხვაა აღძრული და პუბლიცისტის მოვალეობაა პასუხი გასცეს მათ. ნ. ყიფიანი მკაცრად ამხელს ევროპის ბურჟუაზიულ სამყაროს, ბურჟუაზიული პრესის მოსყიდულობას, კლასობრივ ხასიათს. მის წერილებში მხილებულია გაბატონებული ფენის მუქთახორობა. ნიკო ყიფიანი ეთანხმება და ეხმარება ნიკო ნიკოლაძის ცნობილ მოსაზრებას: „აღმართი საზოგადო საქმისთვის უნდა ცხოვრობდნენ და საზოგადო მიზნისთვის უნდა კვდებოდნენ“.

როგორც ცნობილია, ბანკის დაარსების იდეა დიმიტრი ყიფიანს ეკუთვნოდა. შემდგომ, როცა „საბანკო საქმეს“ სათავეში ჩაუდგა „ახალთაობა“, ი. ჭავჭავაძის მეთაურობით სხვა მოწინავე მოღვაწეებთან ერთად, მათ ნიკოლოზ ყიფიანიც გვერდში ამოუდგა. ნიკო ყიფიანი აღიარებს აღზრდის წოდებრივ-კლასობრივ ხასიათს. მას შეგნებული აქვს, რომ ყოველი ხელისუფლება ცდილობს აღზარდოს თავისი მორჩილი თაობა. ის მტკიცედ იბრძოდა სკოლაში დედაქანის უფლებებისათვის.

ერთ საინტერესო კორესპონდენციაში, რომელშიც იგი ხაშურის რკინიგზის საუწყებო სკოლის მდგომარეობას ეხება, ნათქვამია: „უჭკველია, ბევრს ეცოდინება, რომ რკინიგზის მომსახურება შეიძლება თავისი ორკლასიანი სასწავლებელი დაარსდეს, მაგრამ უბედურება ის არის, რომ ამ სასწავლებელში, თუმცა მოსწავლეები მომეტებულ ნაწილად ქართველები არიან, ქართულ ენას არ ასწავლიან და ამის გამო, იქაურმა მოსწავლეებმა, ერთი ქართული ასოც არ იციან. ამას წინათ, მე და ბატონი ფანცულაია მივიდიოდით ერთ ადგილას. გზაში ჩამოვყავით. ფანცულაიამ ქართული წიგნის კითხვა დაიწყო. ამ დროს, ხსენებული (ხაშურის) სასწავლებლის მოსწავლეები, სასწავლებელში მიდიოდნენ. ჩვენს ახლოს რომ გაიარეს, შეჩერდნენ და წიგნის კითხვას ყურით დაუდგეს. ერთი იმათგანი დაგვეკითხა: ბატონო, ასეთი კარგი ამბები თუ სწვრია მაგ წიგნში, გვიბრძანე სად იყიდება, ჩვენც ვიყიდითო. - მე თვითონ ვყიდითო-უთხრა ბატონმა იოსებმა. ბავშვმა ფულის ამოღება დააპირა, მაგრამ მე შევაჩერე და ვუთხარი: - არა, ძმაო, ოღონდ კი წაიკითხე და ვინ რჯულზედ ხელადებული უფასოდ არ მოგცემს მეთქი. - და წიგნი ვუთავაზე. ბავშვმა წიგნი გამომართვა, გადაშალა, მაგრამ წარმოიდგინეთ ჩვენი განცვიფრება-ერთი სიტყვაც კი ვერ ამოიკითხა წიგნაკში. - როგორ არა გრცხვენია, - ვუთხარი მე-ამოდენა გაზრდილხარ, კითხვაც კი არ იცი-მეთქი. - მე რა ვქნა? არ გვასწავლიან და... წაიბუტბუტა ბავშვმა დარცხვენინილად და სასწავლებლისკენ გასწია... კანონს გარეშე არ იქნება რკინიგზის ქართველმა მომსახურებებმა რკინიგზის უფროსს სთხოვონ, რომ იმან იშუამდგომლოს ვისთანაც ჯერ არს, რომ ქართველ მოსწავლეებს ქართული ენაც ასწავლონ.“

1875 წელს, ნიკო ყიფიანი დაქორწინდა. ბედი დაუკავშირა ქალს, რომელსაც ბავშვობიდან იცნობდა - გურული თავადის, მიხეილ ერისთავის ასულს-ანასტასიას ერისთავს. ლიტერატურითა და ეროვნული მოღვაწეობით გატაცებულ ცოლ-ქმარს იმედი ჰქონდათ, ოჯახსაც კარგად მოაწყოებდნენ და ქვეყანასაც კარგ სამსახურს გაუწევდნენ, მაგრამ ბედის ჩარხი სულ უკუღმა დატრიალდა... მთავრობა სამსახურის დაწყების უფლებას ისევ არ აძლევდა ნიკოს... კერძო ადვოკატობა არაფერს შეელოდა.

დიმიტრის ქონებაც დადიანების საჩივრის გამო დაგირავებული იყო და მას დახმარების ვაწვევა აღარ შეეძლო. 1877 წელს ნიკოს უკვე მოვალეები აწუხებენ და არა მარტო მას, უკვე დიმიტრისაც სთხოვენ მისი ვალის გადახდას და ემუქრებიან კიდევ. რის გამოც, ნიკო საყვედურის წერილებს იღებს მამისგან. ყოველივე ამან, ცოლ-ქმარი გააუცხოვა. ნიკოს ოჯახური სიმტკიცე დაირღვა. ანასტასიამ დატოვა ქმარ-შვილი, ნიკოლოზი სამ ქალიშვილთან ერთად და ცოლად რუსის გენერალს გაჰყვა. ბავშვები დაიქსაქსნენ: უფროსი ქალიშვილი ელისაბედი (ვეტა) ხან ბაბუსთან იყო ქვიშხეთში, ხანაც მამიდა ელენესთან ქუთაისში. უმცროსები ნინო და ვარია, ნიკომ ბათუმში წაიყვანა, სადაც ადვოკატად იყო და თვითონ ზრდიდა. პატარა ვაჟი დედასთან დარჩა, შემდეგ კი, დიმიტრი ყიფიანის ერთადერთი გვარის გამგრძელებელი ნაადრევად გამოეთხოვა წუთისოფელს.

ნიკოს არც ამ პირობებში და მდგომარეობაში შეუწყვეტია საზოგადოე-

ბრივი მოღვაწეობა. 1883 წელს მან საინტერესო სიტყვა წარმოთქვა გრ. ორბელიანის დასაფლავებაზე.

1887 წელს, დიმიტრი ყიფიანის ვერაგულმა მკვლელობამ, მისი სულიერი მდგომარეობა, საბოლოოდ შეარყია. მათი დიდი ოჯახის საქმეებიც ერთბაშად აიძვრა. -ძმებს, ნიკოსა და კოტეს შორის არცთუ სახარბიელო ურთიერთობა სუფევდა. უთანხმოება კიდევ მეტად გაამწვავა იმ ფაქტმა, რომ დიმიტრმა ქონების გაყოფა ვერ მოასწრო. ქვიშხეთი კოტეს დარჩა, ნიკოსა და ელენეს (ლოლას) დედისეული პატარა მამული ერგოთ დუშეთში. ამ ფაქტს დაემთხვა ნიკოს პატარა ვაჟის ამ ქვეყნიდან გასვლა და სასოწარკვეთილმა გადაწყვიტა, საშუალოდ მიეტოვებინა სამშობლო.

1890 წელს იგი ბათუმიდან საზღვარგარეთ გაემგზავრა და ამ გადაკარგვის საიდუმლოება მხოლოდ უფროს ქალიშვილს, თოთხმეტი წლის ვეტას გაანდო. ნიკოს იმედი ჰქონდა, რომ გავლენიან პირთა შემწეობით რაიმე სამუშაოს იშოვიდა და ამ მიზეზით 1890 წლის ზაფხულში კარლსბადში გაატარა. მოლოდინი არ გაუმართლდა და სექტემბერში პარიზს გაემგზავრა.

ჯოჯოხეთურ პირობებში აღმოჩნდა სამშობლოდან დევნილი, სამოციანი წლების ჩვენი ერთი თვალსაჩინო ინტელიგენტი. მის მიერ საზღვარგარეთიდან გამოგზავნილი წერილებიდან ნათლად სჩანს მისი უკიდურესი მდგომარეობა: გამოაქვეყნა განცხადება, მაგრამ იტალიური ენის შესასწავლად კარი არავინ შეუღო. კომისიონერთა დავალებით წიგნის ვეება ამანათებს კარდაკარ დაატარებდა. კაპიკის პურს ყიდულობდა და ქუჩაში ჭამდა. სანმიშელის მოედანზე ხელგაწვდილი იდგა...

1891 წ. ოქტომბერში გადაუწყვეტია კიდევ სამშობლოში დაბრუნება, მაგრამ ჯერ სამგზავრო ფული ვერ უშოვია, შემდეგ კი, ბედის საძიებლად, ნიცაში წასულა და იქ ავად გამხდარა.

სამშობლოდან სამწუხარო ამბები მოდიოდა - გარდაიცვალა საყვარელი დაიკო ელენე. ასევე, ნიკოს აღმზრდელი და მეგობარი მიხაკო ყიფიანი. ყველაფერს მოვალეები დაეპატრონენ... ყველაზე ახლობლებმა გაწირეს და დაივიწყეს... მრავალ და მრავალ მიზეზთა გამო, გადაწყვიტა უცხოეთში დარჩენა.

უცხოეთში ყოფნას და ეკონომიურ კრიზისს ხელი არ შეუშლია მისი ლიტერატურული მოღვაწეობისთვის. თანამშრომლობდა ქართულ ჟურნალ-გაზეთებში. 1891 წელს, დაიბეჭდა მისი ვრცელი ფელეტონი „წერილი ნიციდან. გარიბალდის ძეგლის გახსნა“. მიმზიდველად დაწერილი მოგონება „მიხეილ ზაალის ძე ყიფიანი“ 1893 წელს დაიბეჭდა „კვალში“.

ნიკო ყიფიანი პირველმა მოკიდა ხელი მისი სახელოვანი მამის ბიოგრაფიისა და მოღვაწეობის შესწავლას. 1894 წელს ჟურნალ „მოამბეში“ დაიბეჭდა მოზრდილი ნაწილი მისი მონოგრაფიული ნარკვევისა „ცხოვრება დიმიტრი ყიფიანისა“. იმავე წელს ეს მონოგრაფია ცალკე წიგნადაც გამოვიდა. ამ თხზულების დასასრული - „დიმიტრი ყიფიანის უკანასკნელი დეენა“ დაიბეჭდა ავტორის გარდაცვალების შემდეგ, 1912 წელს, გაზეთ „თემში“ დოკუმენტური სიზუსტით. მასში მხილებულია კავკასიის მთავარმართებლის ვერაგული ინტრიგა. მეტად საინტერესოა ის ფაქტი, რომ საზღვარგარეთიდან ნიკო ყიფიანი დასაბეჭდ მასალებს თავის ყოფილ მეუღლეს, ანასტასიას უგზავნიდა. დიმიტრი ყიფიანის მესუეთე თაობის პირდაპირმა შთამომავალმა, (ნიკოს ქალიშვილის მხრიდან) თამარ მიქაძემ, გამოაქვეყნა საინტერესო მასალები საოჯახო არქივიდან, სადაც განსაკუთრებულ ინტერესს იწვევს ნიკო ყიფიანის პირადი წერილები ცოლყოფილისადმი. მიუხედავად იმისა, რომ იგი მისი მეუღლე აღარაა, არა მარტო აფასებს, როგორც თავისი ქალიშვილების დედას, არამედ ძველებურად აღმერთებს... გატაცებას ეძახის იმ გრძნობას, რომელმაც მათი ოჯახი დაანგრია. თანაუგრძნობს, ამწვიდებს და აფრთხილებს, თავს არაფერი ავნოს იმ უღირსის გამო, რომელმაც ჯერ ოჯახი გაუშუბდურა, ქალიშვილები უპატრონოდ დააყრვეინა, მერე კი მიატოვა და ეჭვის ქვეშ დააყენა მისი პატიოსნება... ნიკო პირდება, რომ მის ორივე ვაჟს თავის შვილებად ჩათვლის და შემდგომ, გვარსაც აძლევს მათ.

მიუხედავად მისი ასეთი დამოკიდებულებისა, არსად სჩანს თხოვნა, რომ იგი დაბრუნებას და თანაცხოვრებას სთავაზობდეს ყოფილ მეუღლეს... „ ძვირფასო, ნება მომიცე ხელი ჩამოგართვა, როგორც ცოლს და ყოფილ ჩემს ტახიკოს თუ არა, როგორც კარგ ადამიანს, რომელიც მთელ ქვეყანას მირჩევნია.“ - წერს იგი ტასოსადმი გაგზავნილ ერთ-ერთ წერილში. 1895 წლიდან, ნიკო ყიფიანი ბელგიის დედაქალაქ ბრიუსელში დაემკვიდრა. აქ იგი ინკოგნიტოდ ცხოვრობდა და ცნობილი იყო, როგორც რუსი პროფესორი ივან მარტინოვი. მას დახმარების ხელს უწვდის პოლონელი ქალი, პროფესორი ჟეტეიკო, რომელიც ბრიუსელის უნივერსიტეტის ბუნებისმეტყველების ლაბორატორიას განაგებდა. 1898 წელს ნიკოლოზ ყიფიანი ამავე უნივერსიტეტის რუსული სიტყვიერების კათედრის პროფესორად დანიშნეს...

ამის შემდეგ, მატერიალური მდგომარეობა საგრძნობლად გაუმჯობესდა. უმცროსი ქალიშვილები - ნინო და ვარო მაშინვე ბრიუსელში დაიბარა, უმადლეს სასწავლებელში შეიყვანა და მათზე მზრუნველობით სიხარული და ბედნიერება დაიბრუნა. ნიკოსა და მის ქალიშვილებს არაჩვეულებრივი ურთიერთობა ჰქონდათ. ნიკო უფროს ქალიშვილსაც სთხოვდა იქ ჩასულიყო, რათა სამივე შვილი მისი ყურადღების ქვეშ ყოფილიყო და მათი სიხლოვით შეეცხო ის სიცარიელე, რაც სამშობლოდაკარგული კაცის გულში ჩაბუდებული იყო.

ნიკო ყიფიანი იყო ავადმყოფურად მგრძნობიარე და მოსიყვარულე. ბავშვურად მიმნდობი. ეს იყო მისი ნაკლიცა და ღირსებაც. მიზეზი მისი პირადი ბედნიერებისა და უბედურებისა.


ნიკო მძიმედ განიცდიდა უსამშობლობას, მაგრამ სამწუხაროდ აღრავრის შეცვლა შეეძლო... მისთვის ყოველივე ძვირფასი იყო, რაც სამშობლოსთან აკავშირებდა... ბრიუსელში ჩასული ეკატერინე გაბაშვილიც შეხვედრია ნიკო ყიფიანს. ამ შეხვედრას დიდი შთაბეჭდილება მოუხდენია მოღვაწე ქალზე. მის მოვლენებში ვითხოვლობა: „ბელგიის ქალაქ ბრიუსელში, 1904 წელს, შეგხვდი სტუდენტ ქალბავ, დიმიტრი ყიფიანის შვილიშვილებს-ნინოს და ვაროს. წარმომიდგინეს ვიღაც პროფესორი რუსული ენისა-ივან ივანის მარტინოვი, რომელიც მაშინვე ვიცანი: ეს ამ ქალების მამა იყო, დიმიტრის უფროსი ვაჟი, კოლა ყიფიანი, ჩვენში კარგად ცნობილი ვეჟილი და საზოგადო მოღვაწე. შემდეგ, რაღაც ოჯახური უბედურების გამო უგზოუკვლოდ დაკარგული... მის ხმას, ძველებურად იშვიათის პარმონით საესეს, ქვეითინი შეეპარა... ვეღარ ვიხილავ იმათ, ვედარ მოვეხვეყვი ძმურად, მეგობრულად... მე რენეგატი ვარ... ბავშვებიცა და მამაც ნამდვილი ქართველი ინტელიგენტები იყვნენ.“

(დასასრული IV გვერდზე)

(დასასრული)

როგორც აღვნიშნეთ, ნიკო ყიფიანს არც უცხოეთში შეუწყვეტია ლიტერატურული მოღვაწეობა. იგი ნაყოფიერად ეწეოდა ჩვენი ლიტერატურისა და კულტურის პრობლემატიკის დასაგეგმვით. ნიკო ყიფიანმა გადაწყვიტა დაეწერა და ფრანგულ, ინგლისურ და იტალიურ ენებზე გამოეცა საქართველოს ისტორიისა და ლიტერატურის ნარკვევები. ბრიუსელის უნივერსიტეტის ფორმით, 1905 წელს ლიუვეში, დაიბეჭდა მისი საკმაოდ ვრცელი ნაშრომი: „საქართველო და წარსულ დროთა ორი დიდი ქართველი: თამარ მეფე და ქეთევან დედოფალი.“ ამ ნაშრომით მან უცხოელ მკითხველს გააცნო საქართველოს ისტორია, ლიტერატურა, ბუნება და ფოლკლორი.

1903 წელს, ნიკო ყიფიანს ანტონ ფურცელადისთვის შეძლევი შინაარსის წერილი გამოუგზავნია: „მინდა გამოგზავნო ერთი ორიოდე, სამიოდე ჩემი ნაწერი. ამასთან ნიმუშად გიგზავნი ერთს ამ ნაწერთაგანს. მინდა, გთხოვო, დააბეჭდონ ერთი ლექსი, რომელსაც შენ გიძღვნი და რომლის სათაური არის „ვისაც ვახსოვარ!“ სულით და გულით ქართველი ვარ, დავრჩი ქართველი... თუმცა, გადმომტყორცნა ბედმა... საქართველომ ცხრა მთას აქეთა... რა დამავეციებს ჩვენს საქართველოს, ჩვენს რუსთველსა ან ბარათაშვილს.. როგორ მიეცემა დაეწივებას ჩემი მშობელი, დაუვიწყარი და თავდადებული დიმიტრი ყიფიანი... გიგზავნი ჩემს ექვს ლექსს-ნაწერს-ერთი ამათგანი-„კაენი“, ვერ დაიბეჭდება, მგონია. შენი აზრი მომწერე, თუ როგორ გეჩვენება ეს ექვსი ლექსი... ქართულად ნაწერი საქართველოს წარსულის შესახებ, ისტორიული მოთხრობანი და სხვა. მაქვს რამდენიმე თითქმის გათავებულიც... რომ ვიცოდე უპატრონებ, გამოგზავნი.“



სხვა აუარებელ ხელნაწერებთან ერთად ანტონ ფურცელადისთვის გამოგზავნილი ეს ლექსები და მოთხრობები დაკარგულია. სწორედ ესაა მიზეზი, რომ ამ საოცარი ბიოგრაფიის ადამიანის ტალანტსა და ლიტერატურულ მემკვიდრეობაზე სრული წარმოდგენა არა გვაქვს.

ნიკო ყიფიანი სისტემატიურად აქვეყნებდა სტატიებსა და კრიტიკულ წერილებს პეტერბურგის ჟურნალ-გაზეთებში. 1903 წელს პარიზის ყოველდღიურ გაზეთ „აურორეში“, ორი თვის განმავლობაში, განუწყვეტლივ იბეჭდებოდა მისი ფელეტონები „მუჟიკის“ ფსევდონიმით. ის მასალები რომ ჩვენს ხელთ ყოფილიყო, უფრო ნათლად წარმოჩნდებოდა ნიკოლოზ ყიფიანის, როგორც ევროპული მასშტაბის ქართველი კრიტიკოსის, ჟურნალისტისა და საზოგადო მოღვაწის სახე.

საინტერესოა ის ფაქტიც, რომ ბელგიის მთავარ ქალაქში, სადაც უხ

- ჩვენი ღირსეული თანამემამულენი - ნიკოლოზ დიმიტრის ძე ყიფიანი

ვად იყვნენ სწავლულნიც და განათლებულნიც, ერთ გადახვეწილ ქართველს ვილად ხვდა დაეფუძნებია ქალთა მდგომარეობის გასაუმჯობესებელი საზოგადოებანი.

ნიკო ყიფიანის შემოსავალი საკმარისი არ იყო იმისთვის, რომ მას და მის ქალიშვილებს, გარდა სწავლისა, თუნდაც ელემენტარული პრობლემები მოეხსნათ. შვილებს არაფერს აკლებდა, თვითონ კი- 1904 წლის სუსხიანი ზამთარი ზაფხულის პალტოში გავატარეო-იწებოდა ერთ-ერთ წერილში და მევალებებისგან შეწუხებულ უფროს ქალიშვილს, ვეტას სთხოვდა: „ერთი სიტყვით რაღა გეხვეწოთ, მიშველეთ საჩქაროდ, თუ დროით მიშველეთ, უბედურებას გადამარჩინო.“

სიღარიბემ, შრომამ და სამშობლომწვეტილი კაცის ვარაზმა, მის ჯანმრთელობაზე, უარყოფითად იმოქმედა. იგი არ დაემორჩილა ექიმების რჩევას, აღარ დატვირთულიყო. სიკვდილის წინ თვითონ გააკეთა თავისი ისტორიული ნარკვევების კორექტურა. ეს იყო მისი უკანასკნელი შრომა.

ნიკოლოზ დიმიტრის ძე ყიფიანმა გარკვეული დეპლადი დასდო ქართულ ჟურნალისტიკას. მისი წერილებისა და სტატიების წყალობით, კარგად იცნობდა რუსეთისა და საზღვარგარეთის მკითხველი...

ბელგიელი პროფესორი ჟეტეიკო მის შესახებ წერდა: არც ტალანტით, არც შრომისმოყვარეობით, არც პატრიოტული მგზნებარებით და ბოლოს, არც ტრაგიკული ბედით იგი სახელგანთქმული არ ჩამოუვარდებოდა.“

ნიკოლოზ ყიფიანი გარდაიცვალა 1905 წ. პირველ მაისს. სამ მაისს, დაკრძალვის დღეს, მის გარშემო თავი მოიყარეს პროფესორებმა, სხვადასხვა საზოგადოების წარმომადგენლებმა, პოლონელმა და რუსმა ახალგაზრდობამ, გულდაწვეტილი ქართველობის პატარა კოლონიამ.

ეკატერინე გაბაშვილი ენერგიულად ცდილობდა, ქართველი საზოგადოებარამედიანორად დახმარებოდა ნიკო ყიფიანის ობოლ ქალიშვილებს. მას იმხნად, ისევე მოუხდა ბრიუსელში ჩასვლა. იგი იხსენებს: „დამინახეს თუ არა შემომტორეს: - მამა აღარ გვეყავსო, მეგობარო კატო, ძვირფასო მამა, დაუვიწყარი, შეუდარებელი მამა, ერთადერთი დასაყრდენი ამ ქვეყანაზე.“ პროფესორ ჟეტეიკოს წყალობით ნიკო ყიფიანის ქალიშვილებმა დაამთავრეს ბელგიაში სწავლა და ყველაფერი გააკეთეს მამის ხსოვნის პატივსაცემად. 1910 წელს, ბრიუსელის ინტერნაციონალურ მუზეუმში ქართული სექცია ნიკოლოზ ყიფიანის ქალიშვილის, ბარბარე ყიფიანის თაოსნობით დააუარსებიათ.

სამწუხაროა, რომ დიდი ნაწილი იმ მასალისა, რისი საშუალებითაც შესაძლებელი იქნებოდა ნათელი წარმოდგენა შეგვქმნოდა დიდებული ქართველის, ნიკოლოზ ყიფიანის მოღვაწეობის შესახებ, ჩვენამდე არაა მოღწეული. თუმცა, მისი ცხოვრება, მისი თავდადება და ღირსეული შვილობა მშობელი ქვეყნისადმი, საშუალებას გვაძლევს, ვისაუბროთ მასზე, როგორც ერთ-ერთ თვალსაჩინო მოღვაწეზე და სამაგალითო მამულიშვილზე.

კლარა გელაშვილი

(დასასრული IV გვერდზე)

ქტრონულ ბაზაში 2016 წლის იანვრიდან დღემდე შეყვანილია -72 ბენეფიციარი.

საკრებულოს თანხმობით მივიღეთ საპრივატიზებო და სარგებლობის უფლებით გადასაცემი ობიექტების ნუსხა და დოკუმენტაციის შესაბამისი პაკეტი, რომელთა გაცემა მოქმედი კანონმდებლობის დაცვით განხორციელდა ელექტრონული აუქციონის წესით. პრივატიზებული მიწის ნაკვეთების საერთო ფართობი შეადგენდა 2995 კვ.მ, რომლებიც სხვა ლეგან სამხარაულის სახელობის სასამართლო ექსპერტიზის ეროვნული ბიუროს მიერ შეფასებული იქნა 119800 ლარად. აუქციონის საბოლოო შედეგების მიხედვით, აღნიშნული ნაკვეთები გაიყიდა 915800 ლარად, რაც გამოწვეული იყო საპრივატიზებო ობიექტების სწორი შერჩევით და შესაბამისად კონკურენტუნარიანი გარემოს შექმნით. არ შედგა ელექტრონული აუქციონი ხაშურის მუნიციპალიტეტის საკუთრებაში არსებული 3766 კვ.მ. არასასოფლო - სამეურნეო დანიშნულების მიწის ნაკვეთზე და მასზე განთავსებულ 2 ერთეულ შენობა-ნაგებობებზე, რაც შეეხება მეორად სამშენებლო მასალებს, ელექტრონულ აუქციონზე გაიყიდა 2300 ლარად. გაიცა იჯარით 9 ინდივიდუალურ მეწარმეზე ხაშურის და სურამის სახეობის პარკში ატრაქციონებისთვის განსათავსებელი ფართი.

ხელფეხური თირკმლის ამბულატორიისა და სამედიცინო მომსახურების პუნქტის გახსნის მიზნით „შპს რეფერალურ ცენტრს“ გადავეცით, ხაშურის მუნიციპალიტეტის საკუთრებაში არსებული, რუსთაველის ქ. №38-ში მდებარე უძრავი ქონებიდან 145,2 კვ.მ. არასაცხოვრებელი ფართი 7 წლის ვადით, პირდაპირი განკარგვის წესით, სარგებლობის უფლებით, სასყიდლით, იჯარის ფორმით. ცენტრის არსებობა მნიშვნელოვანია, რადგან პაციენტებს მუნიციპალიტეტიდან გასვლა აღარ მოუწევთ და სამედიცინო მომსახურებას ადგილზე მიიღებენ.

დიადიზის პროგრამა უფასო სახელმწიფო პროგრამაა, რომელსაც შრომის, ჯანმრთელობისა და სოციალური დაცვის სამინისტრო აფინანსებს.

სხვა „სასწრაფო სამედიცინო დახმარების ცენტრი“-ს, პირდაპირი განკარგვის წესით, სარგებლობის უფლებით, უსასყიდლო უზუფრუქტის ფორმით, უვადოდ გადაეცა ხაშურის მუნიციპალიტეტის საკუთრებაში არსებული ხაშურში, ფარნავაზის ქუჩა №4-ში მდებარე შენობის პირველ სართულზე განთავსებული უძრავი ქონების 197 კვ.მ არასაცხოვრებელი ფართი. სარგებლობის უფლებით, უსასყიდლო უზუფრუქტის ფორმით გადაეცა, ხაშურის მუნიციპალიტეტის საკუთრებაში არსებული უძრავი ქონება ხაშურის და სურამის სამუსიკო სკოლას. ა(ა)იპ ხაშურის მუნიციპალიტეტის ბიბლიოთეკას, პირდაპირი განკარგვის წესით, უსასყიდლო უზუფრუქტის ფორმით, ა(ა)იპ-ის არსებობის ვადით გადაეცა ხაშურის მუნიციპალიტეტის გამგეობის საკუთრებაში არსებული ხციის ადმინისტრაციული ერთეულის შენობის (ს.კ. 69.09.55.008) მეორე სართულზე განთავსებული 63,5 კვ.მ. არასაცხოვრებელი ფართი ახალგაზრდული საგანმანათლებლო ცენტრის ფუნქციონირებისათვის. საბავშვო ბაღების ფუნქციონირების მიზნით, საქართველოს განათლებისა და მეცნიერების სამინისტროს და სხვა ხაშურის მე-5 საჯარო სკოლის დირექტორის

ბრძანების შესაბამისად გამოგვეცა ხაშურის №5 საჯარო სკოლის დაუტვირთავი ფართი 606 კვ.მ. 5 წლის ვადით, ხოლო სოფ. ტეხერში გამგეობამ შეისყიდა მოქ. ელენა ინასარიძის საცხოვრებელი ფართი.

ხაშურის მუნიციპალიტეტის მიერ დაფუძნებულ არასამეწარმეო (არაკომერციულ) იურიდიულ პირებზე გადაცემული იქნა სარგებლობის ფორმით სხვადასხვა უძრავ-მოძრავი ქონება. მუნიციპალური ქონების აღრიცხვისა და მართვის განყოფილებაში, 2016 წლის 1 იანვრიდან დღემდე, გამგებლის რეზოლუციით დაგვეწერა 800-მდე კორესპონდენცია, რომლის 95 % შესრულებულია.

აქტიურად ვაანალიზებთ თითოეულ იმ დეტალს რა იყო 2016 წელს კარგი და რა არაადაამაკაყოფილებელი, რათა მოვახდინოთ ყველა ხარვეზის და ნაკლოვანების აღმოფხვრა, რაც ახლდა განყოფილების მუშაობას 2016 წელს.

სივრცითი მოწყობის და არქიტექტურულ-სამშენებლო საქმიანობის რეგულირების განყოფილების მიერ 2016 წელში გაწეული საქმიანობის ანგარიში

2016 წელს, მოქალაქეთა მიერ შემოტანილი განცხადებების საფუძველზე, განხილული და დამტკიცებული იქნა მიწის ნაკვეთის სამშენებლოდ გამოყენების პირობები - 130 შემდგომში ნებართვების მისაღებად, შეთანხმებულია - I კლასის ობიექტების მშენებლობის 80 პროექტი, შეთანხმებულია 42 დოკუმენტაცია მიწის ნაკვეთის კატეგორიის ცვლილების შესახებ, დადგინდა ბინათმესაკუთრეთა ამხანაგობის საკუთრებაში არსებული 17 მიწის ნაკვეთების საზღვრები, პასუხი გაეცა ფიზიკური და იურიდიული პირებისგან შემოსულ მრავალ განცხადებას.

გაიცა მშენებლობის 127 ნებართვა, მათ შორის: ხაზობრივ ნაგებობებზე - 16, საცხოვრებელ სახლებზე - 23, საავტომობილო ობიექტებზე - 11, სპორტ-კომპლექსი - 1, სასტუმროებზე - 1, საბავშვო ბაღის შენობა - 1, ავტოტექნიკის სახურებისა და ავტოსამრეცხაოს ობიექტებზე - 6, კომერციულ ობიექტებზე - 7, ავტოგასამართი - 1, ავტოფარეხი - 2, სასკეების ობიექტებზე - 2, დემონტაჟი - 12, საწარმო - 4, რეკონსტრუქცია - 30, სასაწყობე შენობებზე - 4, დამხმარე ნაგებობებზე - 3, ბავშთა სპორტულ-გამაჯანსაღებელი კომპლექსი-1, ასვალტის დამამზადებელი დანადგარი-1, საოფისე ობიექტი-1.

მშენებლობის სანებართვო მოსაკრებლებიდან შემოსულმა თანხამ შეადგინა - 37 631 ლარი.

შეღარებისთვის მოვიყვანთ წინა წლების სტატისტიკურ მონაცემებს:

2010 წელს გაიცა მშენებლობის	30 ნებართვა;
2011 წელს გაიცა მშენებლობის	34 ნებართვა;
2012 წელს გაიცა მშენებლობის	57 ნებართვა;
2013 წელს გაიცა მშენებლობის	67 ნებართვა;
2014 წელს გაიცა მშენებლობის	84 ნებართვა;
2015 წელს გაიცა მშენებლობის	125 ნებართვა;
2016 წელს გაიცა მშენებლობის	127 ნებართვა.

სერგო ლალიაშვილი, ხაშურის მუნიციპალიტეტის გამგეობის ეკონომიკური განვითარების სამსახურის უფროსი

-სოფლის მეურნეობა - შეხვედრა ფერმერებთან და კოოპერატივებთან

საქართველოს სოფლის მეურნეობის სამინისტროს ხაშურის საკონსულტაციო სამსახურის უფროსმა ჯემალ გელაშვილმა, მთავარ სპეციალისტებთან ავთანდილ გოგალაძესთან და როინ კურტიანიძესთან ერთად, 2017 წელს, პირველ



ლი საკონსულტაციო-ინფორმაციული შეხვედრა გამართეს მეწარმეებთან, ფერმერებთან და ჩვენი რაიონის სოფლის მეურნეობაში ჩართულ პირებთან. მათი მიზანია, ის პროგრამები და ინოვაციური ტექნოლოგიები გააცნოს დაინტერესებულ მოსახლეობას, რომლებსაც სოფლის მეურნეობის სამინისტრო წარუდგინებს ამ სექტორის განვითარებისათვის. საუბარი იყო, აგრეთვე, აგროწარმოების ხელშეწყობის პროგრამებზე, შეღავათიან აგროკრედიტებზე, გადამამუშავებელი და შემნახველი საწარმოების თანადაფინანსების, მცირემწიფიან ფერმერთა საზაფხულო სამუშაოების ხელშეწყობის პროექტებზე. პრიორიტეტულად ჩაითვა აგრეთვე მევენახეობის სახელმწიფო პროგრამა, რომლის მიხედვითაც, კოოპერატივებს საშუალება მიეცემათ გარდა ყურძნისა, ასევე, ღვინისგანაც მიიღონ სარგებელი, მონაწილეობისთვის კი საჭიროა მათი რიცხვი შეადგენდეს 20 მეპაიეს და ფლობდნენ 20 ჰექტარს და მეტს.

ჯემალ გელაშვილი: „აწარმოე საქართველოში“ - სწრაფი განვითარებისათვის - ამ სახელწოდებით 2017 წლიდან ერთი ქულის ქვეშ გაერთიანდება ყველა ის სახელმწიფო პროგრამა, რომელიც საქართველოში მეწარმეობის განვითარების ხელშეწყობაზე, ქართული პროდუქციის პოპულარიზაციაზე და ექსპორტის ზრდაზეა ორიენტირებული. ამ ბრენდის ქვეშ გაერთიანდ

ბა მეწარმეობის განვითარების, ინოვაციების და ტექნოლოგიების, სოფლის მეურნეობის მართვის, საქართველოს საპარტნიორო ფონდი და შეღავათიანი აგროკრედიტების პროექტი, ასევე, მიკრო და მინიგრანტი, „სტარტაპ საქართველო“, დამწვები ბიზნესის ხელშეწყობის პროგრამა, „დანერგე მომავალი და ა.შ. პროექტების ასეთი სტრუქტურისაა უფრო ეფექტის მომტანი, რადგანც, მთლიანადაა მორგებული ჩვენი ეკონომიკის საჭიროებებზე. სესხების გაცემა მოხდება მხოლოდ ეროვნულ ვალუტაში, ასევე, „აწარმოე საქართველოში“ პროგრამაზე ახალი კომპონენტის დამატება მოხდება, რომელიც გულისხმობს მომიჯნავე ინფრასტრუქტურის მოწყობას ინდუსტრიული და სასტუმროების განვითარების მიმართულებით. ყველა პროექტის განხორციელება ორიენტირებული იქნება ქართული პროდუქციის კონკურენტუნარიანობაზე, რომელსაც შეუძლია არამარტო ჩაანაცვლოს იმპორტი, არამედ ექსპორტის განახორციელოს. მსგავს საკონსულტაციო შეხვედრებს ჩვენი სამსახური ხაშურის რაიონის ყველა ადმინისტრაციულ ერთეულში გამართავს.

შეხვედრაზე ვრცლად შეეხნენ ერთიანი აგროპროექტის სარგებლიანობას. „დანერგე მომავლის“ პროგრამა, რომელიც მოიცავს ორ კომპონენტს: მრავალწლიანი ხეხილის ბაღების თანადაფინანსებას, რომელშიც ნერგების ღირებულების 70% და წვეთოვანი სარწყავი სისტემის ღირებულების 50% დაფინანსდება. რაც შეეხება აგროდაზღვევას, პროგრამის ფარგლებში, მოსავლის დაზღვევას ფერმერები შეძლებენ სექციისაგან, ჭარბი ნალექისაგან და ყინვებისაგან. სადაზღვევო პოლისის ღირებულების 70% სუბსიდირებულია პროგრამით გათვალისწინებულ ყველა სასოფლო-სამეურნეო კულტურაზე, გარდა ვაზისა, რომელზეც თანადაფინანსება 50%-ია. დაზღვეული იქნება 30ჰა. ფართობი მიწის ნაკვეთი, მარცვლეული კულტურის შემთხვევაში, და თუ დასაზღვევი ნაკვეთი რეგისტრირებულია, სახელმწიფოს მხრიდან თანადაფინანსება 10%-ით გაიზრდება. აგროწარმოების ხელშეწყობის პროგრამის ფარგლებში თანადაფინანსება გაიცემა პროექტით განსაზღვრული კულტურებით (მიზნობრივი კულტურები: ხურმა, ატამი, კივი, ვაშლი, დაფნა, ლურჯი მცვეი, ბოსტნეული, თაფლი) გაშენებული არსებული ბაღების, სათბურების განახლებისა და ახალი სათბურების შექმნისათვის: ფიზიკური პირებისათვის - 15 000 აშშ დოლარამდე და კოოპერატივებისათვის 150 000 აშშ დოლარამდე. თანადაფინანსება გაიცემა სოფლის მეურნეობის პროდუქციის როგორც გადამამუშავებელი, ასევე შემნახველი ახალი საწარმოების შექმნისათვის, რომელშიც განსაზღვრულია დაფინანსების სამი ძირითადი წყარო: სააგენტოს თანადაფინანსება - პროექტის ჯამური ღირებულების 40% (არაუმეტეს 250 000 აშშ დოლარისა), შეღავათიანი აგროკრედიტი - პროექტის ჯამური ღირებულების 50% (არაუმეტეს 500 000 აშშ დოლარისა) და ბენეფიციარის თანამონაწილეობა - პროექტის ჯამური ღირებულების 10%. თუმცა, გადამამუშავებელი საწარმოს პროექტის ჯამური ღირებულება უნდა შეადგენდეს მინიმუმ 100 000 აშშ დოლარს. აქვე, მკითხველს შევახსენებ, რომ ხაშურში სულ მალე ფრინველის საკვების გადამამუშავებელი საწარმოც ამუშავდება, რომელსაც გასულ ნომერშიც ვაანონსებდით.

ყოველივე ზემოაღნიშნული პროექტების უმთავრესი მიზანი კი შემდეგია: პირველადი წარმოების პროდუქტის ხარისხისა და მოსავლიანობის ზრდის ხელშეწყობა, არსებული ბაღების პოტენციალის მაქსიმალური გამოყენების ხელშეწყობა, მოქმედი გადამამუშავებელი და შემნახველი აგროსაწარმოების გაფართოება და მოდერნიზაცია.

თ ახალკაცი

დიდთოვლობის გამო „ხაშურსერვისი“ საგანგებო რეჟიმში მუშაობს

ზამთარი ჩვენი მუნიციპალიტეტს, თითქმის ყოველ წელს უხვი თოვლით „ანებიერებს“, გამონაკლისი კი, არც წელს დაუშვა. საკმაოდ უხვნაღლე



ქიანი ორი თვე ჩამოვიტოვეთ უკან, და სავარაუდოა რომ დარჩენილი სუსხიანი თებერვალიც მოიქნევეს კუდს. ჩვენც, ერთის მხრივ, შეჩვეულნი ვართ ასეთ მკაცრ ზამთარს, „პატარა ციმბირსაც“, ტყუილად არ ეძახიან ხაშურს, თუმცა, ასეთ დროს მთელი რიგი პრობლემები ჩნდება, როგორც ფეხით მოსიარულეებისთვის, ასევე ტრანსპორტით მოსარგებლებებისათვის. რიცხვი ტრავმებისა და ავარიებისა საკმაოდ იმატებს. ალბათ, ყველა შენიშნავდით, რომ თოვლისაგან გაწმენდის სამუშაოები დიდიდან აქტიურად სრულდებოდა ჩვენ ქალაქში, ამ მომსახურებას კი ააიპ „ხაშურსერვისი“ ახორციელებს და გულმოდგინედ ზრუნავს მოქალაქეთა კომფორტული გადაადგილებისთვის. ჩვენ სამსახურის უფროსისგან ნუკრი ცხოვრებადისგან უფრო ვრცელ ინფორმაციას მოგაწვდით ამ კუთხით სამსახურის მუშაობაზე.

- ბატონო ნუკრი, ალბათ, არ ვცდებით და უხვთოვლობა უკვე საგანგებო რეჟიმს ნიშნავს თქვენი სამსახურისათვის...

- დიახ, ჩვენი სამსახურის თანამშრომლები უხვი ნალექის დროს, საგანგებო რეჟიმში მუშაობენ. ყოველ დღით, 7 საათიდან, ქალაქში დაახლოებით 15 მუშა ასრულებს თოვლისაგან გაწმენდის სამუშაოებს. იწმინდება გზები, ტროტუარები, საზოგადოებრივ შენობებთან და მუნიციპალიტეტთან მისვლელი გზები, იყრება ტექნიკური მარილი და ღორღი, რომელიც მინიმალურად ამცირებს ავარიების რიცხვს. თუმცა, ძირითადად, ცენტრალურ ქუჩებს ვასუფთავებთ: რუსთაველის, სააკაძის, აღმაშენებლის, ტაბიძის, თამარ მეფის და გორის ქუჩებს. ამჟამად, ისეთი სიტუაციაა, რომ ტრანსპორტი და ქვეითად გადაადგილება შეუფერხებლად შესაძლებელია.

- სოფლებში რა მდგომარეობაა ამ მხრივ?

- სოფლებში ამ მხრივ მდგომარეობა შედარებით რთულია, თუმცა, ტექნიკის წყალობით იქაც იწმინდება. ამჟამად, ჩვენს სამსახურს მუშა მდგომარეობაში

სულ 8 ტექნიკური საშუალება ჰყავს. სამი აქედან ჩვენ მფლობელობაშია, რომლითაც ძირითადად ქალაქს ვემსახურებით და 5 კი ტენდერში გამარჯვებული ფირმისაგან გვაქვს, მათ კი სოფლებში ვგზავნით. ვამუშავებთ მუხლანის და „ჯისიპი“ ტიპის ტრაქტორებს და გრეიდერს, რომლის წყალობითაც სოფ

ლებს ქალაქის

ცენტრებთან მოწყვეტის საფრთხე არ ემუქრება დიდთოვლობის დროს. სწორედ მისი მეშვეობით ხდება გაწმენდითი სამუშაოების უდიდესი ნაწილის შესრულება. ამჟამად, იწმინდება ხალევი, ცოცხნარა, ჩორჩანა, წაღვლი და ქვიშხეთი.

- კერძო შემთხვევებზე თუ მიდიხართ, ვთქვათ, რომელიმე არაცენტრალურ ქუჩას თუ დასჭირდა თქვენი სამსახურის დახმარება.

- დიახ, რა თქმა უნდა. ასეთი შემთხვევები საკმაოდ ხშირია და ჩვენც სრულიად უსასყიდლოდ ვავარებთ ამა თუ იმ ქუჩის ან მცხოვრების პრობლემას. ბოლოს, ქვიშხეთში შეიქმნა ასეთი პრობლემა, მიცვალებული ჰყავდათ ოჯახში და გვთხოვეს ქუჩის გაწმენდა თოვლისაგან.

მშვიდობიან ზამთარს ვუსურვებთ მუნიციპალიტეტის მოსახლეობას თბილ სახლებში. საჭიროების შემთხვევაში კი ააიპ „ხაშურსერვისი“ თქვენს სამსახურში იქნება.

თ. ახალკაცი



საშემსრულებლო ხელოვნების თანდათანობითი ევოლუცია

თეატრალური საშემსრულებლო ხელოვნების სპეციფიკა მეტად რთულია და დროის ცვალებადობასთან ერთად, შესაძლებელია, პროგრესის კვალდაკვალ, უკუპროცესიც განიცადოს

ტექნიკური ევოლუციისგან განსხვავებით, ხელოვნების სხვადასხვა სფეროებზე დრო დადებითი თვალსაზრისით არ მოქმედებს, მაგალითისთვის: დღევანდელი ქართული კინემატოგრაფია, პროფესიული კუთხით – XX საუკუნის ქართულ კინონაწარმთან შედარებით, რეგრესის პროცესშია. იქნებ, იმიტომ, რომ ლანა ლოლობერიძის, რეზო ჩხეიძის, ელდარ შენგელიას მსგავსი გენიალური რეჟისორები დღეს, არ, ან ვერ ქმნიან ქართული კინოპროდუქციას?! არადა, წარმოიდგინეთ, მაშინდელ კორიფე – მსახიობთა დიდი



პლეადა და დღევანდელი ულტრატექნიკური განვითარების პირობები. მიუხედავად ერთგვარი უარყოფითი შედეგებისა, XXI-საუკუნეში თეატრალურმა ხელოვნებამ მრავალი დადებითი „სიმპტომი“ შეითვისა. ევროპის ცალკეულ ქვეყნებში განვითარებულია: ქორეოგრაფიული, ვერბალიკური, მიმური, პანტომიმური და სხვა თეატრალური დასები, ადარაფერს ვამბობ, ტრაგედიისა და კომედიის რუდემენტულ სამფლობელოზე – უილიამ შექსპირის „გლობუსის“ თეატრზე, რომელიც დიდი ხანია, მსოფლიოს ნებისმიერი ეთნიკური წარმომადგენლებისთვის კულტურულ-შემეცნებითი და საგანმანათლებლო ფუნქციის როლის შემსრულებელია.

ბოლო რამდენიმე წელია, საქართველოში – ჩვენ დედაქალაქში, „საერთაშორისო თეატრალური ფესტივალის“ კოორდინირება და ორგანიზება ხდება. შედეგად, ევროპის ქვეყნებში მოქმედი დასები ქართველ მაყურებელს, ინდივიდუალური ხელწერისა და მუშაობის რეჟულტატს უჩვენებენ, ამგვარად, პროფესიული უნარ-ჩვევების და განსაზღვრული საშემსრულებლო შესაძლებლობათა არსენალის გაცვლის პროცესი, ქართულ(თბილისში მოღვაწე) დასებისა და ფესტივალზე მოწვეულ დასებს შორის, წარმატებით ხორციელდება. თუმცა, დაჩაგრულ მდგომარეობაშია რეგიონული თეატრები(უმნიშვნელო გამონაკლისების გარდა) ყველაზე მეტად ქ. ხაშურში მოქმედი დასები, სადაც, ჯერ კიდევ XX საუკუნის დასაწყისიდან არსებობს თეატრალური კულტურა.

კარგი ინიციატივაა, რომ ოდესღაც შესაძლებლობა მიეცათ, რეგიონში, ამ სფეროში მოღვაწეებს, ჩვენ დედაქალაქში ორგანიზებულ, კოლაბორაციულ თეატრალურ მიღწევებსა და პროფესიულ ტრანსფორმაციებს წელიწადში რამდენჯერმე თუ არა, ერთხელ მაინც გაეცნონ, რათა შემდეგ, ქ. ხაშურში მცხოვრებმა თეატრალურმა მაყურებელმა, დროის დივერსიფიკაციასთან ერთად, საშემსრულებლო სფეროს განვითარებაც შეეგრძნოს. ვინაიდან თეატრი ეს ცოცხალი ხელოვნებაა, რომლის ცნობიერ-ვიზუალური აღქმადობა ტელევიზიით და ინტერნეტით შეუძლებელია. მომავალში მას ვერც სხვა ტექნიკური პროგრესი შეცვლის, ის ცოცხლად, იმ წამს, იმ ატმოსფეროში უნდა იხილო და მოგვიანებით, ნანახის რეფლექსია შესძლო.

ანი ცხვედაძე,
თეატრის კრიტიკოსი, ხელოვნებათმცოდნე

- ინტელექტუალური თამაშები - IV საჯარო სკოლის გუნდი ფინალში იბრძოლებს

ამ დღეებში, ხაშურის მუნიციპალიტეტის ბიბლიოთეკაში, ჩემპიონატ „ჩვენი მკითხველის“ მორიგი ტური გაიმართა, სადაც პირველი და მეორე ადგილების მოპოვებისთვის ერთმანეთს ხაშურის მესამე საჯარო სკოლისა და ხაშურის მეოთხე საჯარო სკოლის მკითხველთა გუნდები



ეჯიბრებოდნენ. დაძაბულ და საინტერესო ორთაბრძოლაში მეორე ადგილი სსიპ ილია ჭავჭავაძის სახელობის №3 საჯარო სკოლის მკითხველთა გუნდს ერგო, პირველ ადგილზე კი სსიპ №4 საჯარო სკოლის მკითხველთა გუნდი გავიდა.

გამარჯვებული გუნდი ფინალურ ტურნირში მიიღებს მონაწილეობას, რომელიც თბილისში 10 თებერვალს გაიმართება.

პროექტი „ჩვენი მკითხველი“ საქართველოს საბიბლიოთეკო გაერთიანების ჩემპიონატი და სხვადასხვა სკოლის მოსწავლეებს შორის ინტელექტუალურ თამაშს გულისხმობს. პროექტის მიზანი საქართველოს მოსწავლე-ახალგაზრდობაში ბიბლიოთეკების პოპულარიზაცია, ლიტერატურისადმი სიყვარულის გაღრმავება და ცოდნის შეძენის წახალისება.

პროექტი ხაშურის მუნიციპალიტეტში გამგეობის განათლების, კულტურის და სპორტის სამსახურის, ადგილობრივი საგანმანათლებლო რესურსცენტრის და ინტელექტ-კლუბის „რა? სად? როდის?“ მხარდაჭერით მიმდინარეობს.

მეორე საჯარო სკოლის მოსწავლეები - სტუმრად ბიბლიოთეკაში

ახლახანს, ხაშურის მუნიციპალიტეტის საბავშვო ბიბლიოთეკის სტუმრები იყვნენ ხაშურის №2 საჯარო სკოლის მეორე კლასის მოსწავლეები პედაგოგ მარიანა ფერაძის ხელმძღვანელობით.



„პატარების ბიბლიოთეკაში სტუმრობას არ აქვს ერთგვარი ხასიათი, ეს არის გრძელვადიანი პროექტი სახელწოდებით „წიგნი ჩემი მეგობარია“. პროექტის იდეა სულ ახლახანს დაგეგმავდა, როცა მოსწავლეების მშობლებმა სპეციალური კითხვარები შეავსეს და გამოიკვეთა, რომ პატარები ნაკლებად ურთიერთობენ წიგნთან. ამ ეტაპზე ჩვენს სტუმრობას, ბიბლიოთეკის გაცნობითი ხასიათი აქვს. მოსწავლეები გაეცნობიან ბიბლიოთეკის თანამშრომლების მიერ მომზადებულ პრეზენტაციას ბიბლიოთეკის ისტორიის და რესურსების შესახებ. სამომავლოდ კი, საბავშვო ბიბლიოთეკის თანამშრომლების დახმარებით, პატარები ეზიარებიან თავიანთი ასაკისთვის შესაფერის ლიტერატურას“-განაცხადა მარიანა ფერაძემ.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე,
მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო
კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.